

**V.** Dómine, exaúdi oratióem meam.

**R.** Et clamor meus ad te véniat.

**V.** Dóminus vobíscum. **R.** Et cum spírítu tuo.

Orémus.

**I**ntróeat, Dómine Jesu Christe, domum hanc ad nostræ humilitátis ingressum pax et misericórdia tua: effúgiat ex hoc loco omnis nequítia dáemonum, adsint Angeli pacis, domúm-que hanc déserat omnis málgna discórdia. Magnífica, Dómine, super nos nomen sanctum tuum: et bénedic nostræ conversatióni: Qui sanctus et pius es, et pérmanes cum Patre et Spírítu sancto in sæcula sæculórum. **R.** Amen.

Orémus.

**R**éspice, Dómine, fámulum tuum (vel fámulam tuam) in infirmitáte córporis laborántem, et ánimam réfove quam creásti: ut castigatióibus emendátus (vel emendáta), contínuo se séntiat tua miseratióne salvátum (vel salvátam). Per Christum Dóminum nostrum. **R.** Amen.

Orémus.

**M**iséricors Dómine, fidélium consolátor, quæsumus imménsam pietátem tuam, ut ad intróitum humilitátis nostræ hunc fámulum tuum (vel hanc fámulam tuam) super lectum dolóris sui jacéntem, visitáre dignéris, sicut socrum Simónis visitásti: propítius adésto ei, Dómine, quátenus prístina sanitate recépta, gratiárum tibi, in ecclésia tua, réferat actiões: Qui vivis et regnas Deus in sæcula sæculórum. **R.** Amen.

*Deinde, extendens dexteram versus caput ægroti, dicat:*

**D**óminus Jesus Christus apud te ✠ sit, ut te déféndat: intra te ✠ sit, ut te consérvet: ante te ✠ sit, ut te ducat: post te sit, ✠ ut te custódiat: super

te ✠ sit, ut te benedícat: Qui cum Patre et Spírítu sancto vivit et regnat in sæcula sæculórum.

**R.** Amen.

Benedictio Dei omnipoténtis, Patris, et Fílii, ✠ et Spírítus sancti, descéndat super te, et máneat semper. **R.** Amen.

*Demum adspergat infirmum aqua benedicta.*

### Eadem Benedictio pro pluribus infirmis.

*Sacerdos cubiculum ægrotantium ingrediens dicat:*

**V.** Pax huic dómui.

**R.** Et ómnibus habitántibus in ea.

*Et continuo ad infirmos accedens subjungat:*

**V.** Adjutórium nostrum ✠ in nómine Dómini.

**R.** Qui fecit cœlum et terram.

**V.** Dómine, exaúdi oratióem meam.

**R.** Et clamor meus ad te véniat.

**V.** Dóminus vobíscum.

**R.** Et cum spírítu tuo.

Orémus.

**I**ntróeat, Dómine Jesu Christe, domum hanc ad nostræ humilitátis ingressum pax et misericórdia tua: effúgiat ex hoc loco omnis nequítia dáemonum, adsint Angeli pacis, domúm-que hanc déserat omnis málgna discórdia. Magnífica, Dómine, super nos nomen sanctum tuum: et bénedic nostræ conversatióni: Qui sanctus et pius es, et pérmanes cum Patre et Spírítu sancto in sæcula sæculórum. **R.** Amen.

Orémus.

**R**éspice, Dómine, fámulos tuos (vel fámulas tuas) in infirmitáte córporis laborántes, et ánimas réfove quas creásti: ut castigatióibus emendáti (vel



emendatæ), continuo se sentiant tua miseratione salvatos (vel salvatas). Per Christum Dominum nostrum. *R.* Amen.

*Orémus.*

**M**isericors Domine, fidelium consolator, quaesumus immensam pietatem tuam, ut ad introitum humilitatis nostrae hos famulos tuos (vel has famulas tuas) super lectum doloris sui jacentes, visitare digneris, sicut socrum Simonis visitasti: propitius adesto eis, Domine, quatenus pristina sanitate recepta, gratiarum tibi, in Ecclesia tua, referant actiones: Qui vivis et regnas Deus in saecula saeculorum. *R.* Amen.

*Deinde, extendens dexteram versus aegrotos, dicat:*

**D**ominus Jesus Christus apud vos ✠ sit, ut vos defendat: intra vos ✠ sit, ut vos conservet: ante vos ✠ sit, ut vos ducat: post vos ✠ sit, ut vos custodiat: super vos ✠ sit, ut vos benedicat: Qui cum Patre et Spiritu sancto vivit et regnat in saecula saeculorum. *R.* Amen.

Benedictio Dei omnipotentis, Patris, et Filii, ✠ et Spiritus sancti, descendat super vos, et maneat semper. *R.* Amen.

*Demum adspergat infirmos aqua benedicta.*

**Benedictio mulieris prægnantis**  
*in periculis partus.*

*V.* Adjutorium nostrum in nomine Domini.  
*R.* Qui fecit caelum et terram.  
*V.* Salvam fac ancillam tuam.  
*R.* Deus meus, sperantem in te.  
*V.* Esto illi, Domine, turris fortitudinis.  
*R.* A facie inimici.

*V.* Nihil proficiat inimicus in ea.  
*R.* Et filius iniquitatis non apponat nocere ei.  
*V.* Mitte ei, Domine, auxilium de sancto.  
*R.* Et de Sion tuere eam.  
*V.* Domine, exaudi orationem meam.  
*R.* Et clamor meus ad te veniat.  
*V.* Dominus vobiscum. *R.* Et cum spiritu tuo.

*Orémus.*

**O**mnipotens sempiternus Deus; qui dedisti famulis tuis in confessione verae fidei aeternae Trinitatis gloriam agnoscere, et in potentia majestatis adorare unitatem: quaesumus; ut ejusdem fidei firmitate haec famula tua **N.** ab omnibus semper muniatur adversis. Per Christum Dominum nostrum. *R.* Amen.

*Orémus.*

**D**omine Deus, omnium Creator, fortis et terribilis, justus et misericors, qui solus bonus et pius es; qui de omni malo liberasti Israel, faciens tibi patres nostros dilectos, et sanctificasti eos manu Spiritus tui; qui gloriosae Virginis Mariae corpus et animam, ut dignum Filii tui habitaculum effici mereretur, Spiritu sancto cooperante preparasti; qui Joannem Baptistam Spiritu sancto replisti, et in utero matris exultare fecisti: accipe sacrificium cordis contriti, ac fervens desiderium famulae tuae **N.** humiliter supplicantis pro conservatione proles, quam ei dedisti concipere: custodi partem tuam, et ab omni dolo et injuria duri hostis defende; ut obstetricante manu misericordiae tuae foetus ejus ad lucem prospere veniat, ac sanctae generationi servetur, tibi que in omnibus jugiter deserviat, et vitam consequi mereatur aeternam. Per eundem Dominum nostrum Jesum Christum Filium tuum: Qui tecum vivit et regnat. *R.* Amen.



Deinde mulier adspargatur aqua benedicta. et interim dicatur:

Psalmus 66.

**D**eus misereatur nostri, et benedicat nobis: \* illuminet vultum suum super nos, et misereatur nostri, Ut cognoscamus in terra viam tuam: \* in omnibus gentibus salutare tuum.

Confiteantur tibi populi, Deus: \* confiteantur tibi populi omnes. Lætentur, et exsultent gentes: \*

quoniam iudicas populos in æquitate, et gentes in terra dirigis.

Confiteantur tibi populi, Deus: confiteantur tibi populi omnes: \* terra dedit fructum suum.

Benedicat nos Deus, Deus noster, benedicat nos Deus: \* et metuant eum omnes fines terrarum.

Gloria Patri.

**V.** Benedicamus Patrem, et Filium, cum sancto Spiritu.

**R.** Laudemus et superexaltemus eum in sæcula.

**V.** Angelis suis Deus mandavit de te.

**R.** Ut custodiant te in omnibus viis tuis.

**V.** Domine, exaudi orationem meam.

**R.** Et clamor meus ad te veniat.

**V.** Dominus vobiscum.

**R.** Et cum spiritu tuo.

Orémus.

**V**isita, quæsumus Domine, habitationem istam, et omnes insidias inimici ab ea, et a præsentis famula tua **N.** longe repelle: Angeli tui sancti habitent in ea, qui eam et ejus prolem in pace custodiant, et bene ✠ dictio tua sit super eam semper. Salva eos, omnipotens Deus, et lucem eis tuam concede perpétuam. Per Christum Dominum nostrum. **R.** Amen.

Benedictio Dei omnipotentis, Patris, ✠ et Filii, ✠ et Spiritus ✠ sancti, descendat super te, et prolem tuam, et maneat semper. **R.** Amen.

### Benedictio infantis.

**V.** Adjutorium nostrum in nomine Domini.

**R.** Qui fecit cælum et terram.

**V.** Deus noster miseretur.

**R.** Custodiens parvulos Dominus.

**V.** Domine, exaudi orationem meam.

**R.** Et clamor meus ad te veniat.

**V.** Dominus vobiscum.

**R.** Et cum spiritu tuo.

Orémus.

**D**omine Jesu Christe, Fili Dei vivi, qui ante omnia sæcula genitus, in tempore tamen infans esse voluisti, et hujus ætatis diligis innocentiam; qui parvulos tibi oblatos amanter complexus es, iisque benedixisti: infantem istum præveni in benedictionibus dulcedinis, et præsta, ne malitia mutet intellectum ejus; eique concede, ut proficiens ætate, sapientia et gratia, tibi semper placere valeat. Qui vivis et regnas cum Deo Patre in unitate Spiritus sancti Deus, per omnia sæcula sæculorum. **R.** Amen.

Deinde infantem adspargat aqua benedicta in modum crucis, dicens:

Pax et benedictio Dei omnipotentis, Patris, et Filii, ✠ et Spiritus sancti, descendat super te, et maneat semper. **R.** Amen.

✠ Si fuerint plures, Oratio et Benedictio dicantur in numero plurali.

### Benedictio pueri

ad obtinendam super ipsum misericordiam Dei.

**V.** Adjutorium nostrum in nomine Domini.

**R.** Qui fecit cælum et terram.

**V.** Dominus vobiscum. **R.** Et cum spiritu tuo.



## Orémus.

**D**ómine Jesu Christe, Fili Dei vivi, qui dixísti: Sínite párvulos veníre ad me, tálíum est enim regnum cœlórum; super hunc púerum tuum virtútem bene ✠ dictionis tuæ infúnde, ac ad Ecclésiæ et paréntum illíus fidem ac devotióem réspice; ut virtúte ac sapiéntia apud Deum et hómines proficiens, ad optátam pervéniat senectútem, et salutem consequátur ætérnam. Qui vivis et regnas in sœcula sœculórum. **R.** Amen.

## Psalmus 112.

**L**audáte, púeri, Dóminum, \*  
laudáte nomen Dómini.

Sit nomen Dómini benedictum,  
\* ex hoc nunc, et usque in sœculum.

A solis ortu usque ad occásum,  
\* laudábile nomen Dómini.

Excélsus super omnes gentes  
Dóminus, \* et super cœlos glória ejus.

Quis sicut Dóminus Deus no-

ster, qui in altis hábitat, \* et  
humília réspicit in cœlo, et in  
terra?

Súscitans a terra inopem, \* et  
de stercore érigens paúperem:

Ut còllocet eum cum princípibus,  
\* cum princípibus pópuli  
sui.

Qui habitáre facit stérilem in  
domo, \* matrem filiórum lætántem.  
Glória Patri.

**Kýrie eléison. Christe eléison. Kýrie eléison.**  
**Pater noster.** *dicitur secreto.*

**V.** Et ne nos indúcas in tentatiónem.

**R.** Sed líbera nos a malo.

Benedíctio Dei omnipoténtis, Pa ✠ tris, et  
Fí ✠ lii, et Spíritus ✠ sancti, descéndat super te,  
et máneat semper. **R.** Amen.

## Benedictio puerorum

cum præsertim in Ecclesia præsentantur.

**D**ie et hora constitutis, pueri conveniant in Ecclesiam, quos ibi a parentibus vel magistris associari maxime deceret, ut in silentio et modestia facilius se componant. Quibus per ordinem dispo-

sitis, et pueris a puellis, si adsint, separatis. Sacerdos ad ipsos accedat, et brevissimo ac simplici sermone eos alloquatur, prout opportunum sibi visum fuerit.

Deinde stans versus eos dicat:

**V.** Adjutórium nostrum in nómine Dómini.

**R.** Qui fecit cœlum et terram.

Antiphona. **Laudáte púeri Dóminum, laudáte nomen Dómini.**

Psalmus 112. incipitur a secundo versu: Sit nomen Dómini, ut supra pag. 58\*

Et repetitur Antiphona: **Laudáte púeri Dóminum, laudáte nomen Dómini.**

Qui Psalmus cum sua Antiphona, si paucis tantum, aut minus solemniter conferatur Benedictio, omitti poterit.

Finito Psalmo et repetita Antiphona, Sacerdos dicit:

**V.** Sínite párvulos veníre ad me.

**R.** Tálíum est enim regnum cœlórum.

**V.** Angeli eórum.

**R.** Semper vident fáciem Patris.

**V.** Nihil proficiat inimícus in eis.

**R.** Et filius iniquitátis non appónat nocére eis.

**V.** Dómine, exaúdi oratiónem meam.

**R.** Et clamor meus ad te véniat.

**V.** Dóminus vobíscum.

**R.** Et cum spírítu tuo.

## Orémus.

**D**ómine Jesu Christe, qui párvulos tibi oblátos et ad te veniéntes compléxus es, manúsque super illos impónens benedixísti eis, atque dixísti: Sínite párvulos veníre ad me, et nolíte prohibére eos, tálíum est enim regnum cœlórum, et Angeli eórum semper vident fáciem Patris mei; réspice, quæsumus, ad puerórum (vel puellárum, si solæ adsunt puellæ) præsentium innocéntiam, et ad eórum paréntum devotióem, et cleménter eos



(vel eas) hodie per ministerium nostrum benedic; ut in tua gratia et misericordia semper proficiant, te sapiant, te diligant, te timeant, et mandata tua custodiant, et ad finem optatum feliciter perveniant: per te, Salvator mundi, qui cum Patre et Spiritu sancto vivis et regnas Deus in secula seculorum. **R.** Amen.

**Orémus.**

**D**efende, quæsumus Domine, beata Maria semper Virgine intercedente, istam ab omni adversitate familiam: et toto corde tibi prostratam, ab hostium propitius tuere clementer insidiis. Per Christum Dominum nostrum. **R.** Amen.

**Orémus.**

**D**eus, qui ineffabili providentia sanctos Angelos tuos ad nostram custodiam mittere dignaris: largire supplicibus tuis; et eorum semper protectione defendi, et æterna societate gaudere. Per Christum Dominum nostrum. **R.** Amen.

*Postea manu dextera producens signum crucis super pueros, benedicit eos, dicens:*

**B**enedicat vos Deus, et custodiat corda vestra et intelligentias vestras, Pater, et Filius, ✠ et Spiritus sanctus. **R.** Amen.

*Deinde adspergat pueros aqua benedicta in modum crucis.*

### Benedictio puerorum ægrotantium.

**P**ueri infirmi, qui ad hunc usum rationis pervenerunt, ut ipsis præberi possit Sacramentum Extremæ Uctionis, iis adjuventur exhortationibus et precibus, quæ describuntur in Rituali Romano, ubi de visitatione et cura infirmorum, prout feret temporis opportunitas, et eorundem ægrotantium status.

*Verum pro ceteris junioribus pueris infirmis adhiberi poterunt sequentes preces.*

*Sacerdos igitur infirmi cubiculum ingressus, primum dicat:*

**V.** Pax huic domui.

**R.** Et omnibus habitantibus in ea.

*Mox infirmum et lectum ejus et eubiculum adspergat nihil dicens.*

*Deinde dicere poterit supra infirmum Psalmum Laudate pueri Dominum, laudate nomen Domini (pag. 58\*), cum Gloria Patri. in fine.*

*Postea dicat:*

**K**ýrie eléison. **C**hriste eléison. **K**ýrie eléison.

**P**ater noster. *secreto.*

**V.** Et ne nos inducas in tentationem.

**R.** Sed libera nos a malo.

**V.** Deus noster miseretur.

**R.** Custodiens parvulos Dominus.

**V.** Sinite parvulos venire ad me.

**R.** Talius est enim regnum celorum.

**V.** Domine, exaudi orationem meam.

**R.** Et clamor meus ad te veniat.

**V.** Dominus vobiscum.

**R.** Et cum spiritu tuo.

**Orémus.**

**D**eus, cui cuncta adollescunt, et per quem adulta firmantur: extende dexteram tuam super hunc famulum tuum (vel hanc famulam tuam), in tenera ætate languentem: quatenus vigore sanitatis recepto, ad annorum perveniat plenitudinem, et tibi fidele, gratumque obsequium indesinenter præstet omnibus diebus vitæ suæ. Per Dominum nostrum Jesum Christum Filium tuum: Qui tecum vivit et regnat in unitate Spiritus sancti Deus, per omnia secula seculorum. **R.** Amen.

**Orémus.**

**P**ater misericordiarum, et Deus totius consolationis, qui creaturæ tuæ multiplici pietate consulens, non solum animæ sed ipsi corpori curationis